

Գ. Ն. Գասպարյան

ՄԱԹԵՈՍ ՄԱՄՈՒՐՅԱՆԻ ՓԻԼԻՍՈՓԱՅԱԿԱՆ ՀԱՅԱՑՔՆԵՐԻ ՄԱՍԻՆ

Մաթեոս Մամուրյանը մեկն է 19-րդ դարի երկրորդ կեսի այն առաջավոր հասարակական մտածողներից և գործիչներից, որոնք ռազմաֆեոդալական թուրքիայի մուսուլմաններում իրենց ամբողջ գիտակցական կյանքն ու եռանդը ի սպաս են դրել հայ ժողովրդի մշակութային ու ազգային-քաղաքական ազատագրության վեհ նպատակին:

Մամուրյանը ծնվել է 1830 թ. Ջմյուռնիայում: Ուսանողական տարիները անց է կացրել Փարիզում (Մուրադյան վարժարան), ուր 1848 թ. ֆրանսիական ուղեւորություն իրադարձությունները ունեցել են խոշոր նշանակություն՝ նրա հայացքների կազմավորման վրա: Այդ տարիներին «երակներուս մեջ հանրավարի արյուն կշռչեր», — գրում է նա՝ ինքնակենսագրական ընույթ կրող իր նամակներից մեկում<sup>1</sup>:

Սկզբում Մամուրյանը եղել է ազգային սահմանադրական շարժման ջերմ պաշտպաններից մեկը և որոշ ժամանակ պաշտոնավարելով որպես «ազգային խորհրդի» գլխավնապետ, «խարազանի նման շաչել է պատրիարքարանի և ամիրայության գլխին»՝ հանուն սահմանադրական իրավունքների իրականացմանը, հանուն այդ իրավունքների առավել ընդարձակմանն ու դեմոկրատացմանը: Իր ժամանակի առաջավոր թերթերում ու ժողովներում [«Մեղու», «Ծաղիկ», «Միութուն» և այլն] երկար տարիներ իր «ուժերը փորձելուց» հետո, 1871 թ. Ջմյուռնիայում հիմնադրել է «Արեւելյան մամուլ»-ը, որը և խմբագրել է մինչև իր մահը (1901):

Սմբազրական իր աշխատանքներին զուգրնթաց նա երկար տարիներ տարել է նաև մանկավարժական աշխատանք, միաժամանակ ազգային վարժարանների համար դրելով հայոց լեզվի, քաղաքաանտեսութան, հայ ժողովրդի պատմության, ընդհանուր ազգերի պատմության և այլ դասագրքեր, որոնք համարվել են իրենց ժամանակի լավագույնները:

Արեւմտահայ իրականության մեջ Մամուրյանն առաջինն է, որ արժանացել է իր գրական-հրապարակախոսական և մանկավարժական գործունեության հիսնամյա հոբելյանի համազգային տոնակատարությանը (1899):

Իր ամբողջ հասարակական գործունեության ընթացքում նա միշտ որպես կլակետ ունեցել է հայ ժողովրդի շահերի պաշտպանությունը՝ ընդդեմ ներքին և արտաքին բոլոր ճնշողների և առաջնորդվել է՝ հայ ժողովրդի ուժի և ստեղծագործական տաղանդի նկատմամբ իր տածած անաչլայլ հավատքով: «Ազգի մը մեջ ինչ մեծ, շքեղ և հրաշալի բաներ որ կատարվին՝ ժողովրդյան ուժովը կկատարվին: ...Աշխարհիս մեջ մինակ մեծ ժողովուրդն է»՝ — գրել է նա և իր ժողովրդի ու նրա հայրենիքի բոլոր հատվածների ազատագրումը

<sup>1</sup> Մ. Մամուրյան, Անկլիական նամակների, Ջմյուռնիա, 1881, նամակ ԾԹ:

<sup>2</sup> «Ծաղիկ», 1867, № 138:

դարձրել՝ իր բոլոր ձգտումների ու ամբողջ պայքարի առանցքը: «Ազատությունը իմ կյանքս ու հավատս է» նշանաբանին հավատարիմ է մնացել նա իր ամբողջ կյանքի ընթացքում:

Մամուրյանի ազատագրական այդ ձգտումով է պայմանավորված այն անչափելի սերն ու նվիրումը, որ նա ցուցաբերել է Նալբանդյանի «հանճարեղ անձի» և նրա «միակ փրկավետ դրություն» նկատմամբ: «Նալբանդյանցը ինչպես կենդանության ատեն, նույնպես մահվանեն և տես պիտի գործն ազգին մեջ, — գրել է նա, — քանի որ շղթան և սուրը չեն կրնար կաշկանդել և սպանենել այն լուսատու զաղափարները, որոց հետոք կանգնեցավ նա և որոնք իբրև ամպրոպային փոթորիկներ կորոտան թագադիր բռնավորներու գլուխներուն վրա, մինչև որ փայլակն ու կայծակը պայթին և թաղ ու գլուխ այրին, տոչորին...»: Նալբանդյանի ազատական հայրենասիրությունը անդադար հրավեր մ' ունի կարգալու մեզ և ազգը՝ նվիրական պարտք մը կատարելու»<sup>3</sup>: Մեր կարծիքով՝ Մամուրյանի հասարակական-քաղաքական հայացքների ու ձգտումների կրեդոն հանդիսացող նրա «Սև լեռին մարդը» պատմական վեպը ոչ այլ ինչ է, եթե ոչ Նալբանդյանի ու նրա ազատագրական սկզբունքի ու ծրագրի նկատմամբ նրա այս վերաբերմունքի լուրահատուկ արտահայտությունը:

Այս և հարակից մի շարք հարցերի վերաբերյալ մեր տեսակետի հիմնավորումը թողնելով այլ պատեհ առիթի, տվյալ դեպքում հարկ ենք համարում ընդգծել այն հանգամանքը, որ իր հասարակական-քաղաքական և ազգային-ազատագրական համեմատաբար առաջավոր հայացքների ու ձգտումների գրսեհորման ճանապարհին սուլթանական մահաբույր ցենզուրայի դամուկլյան սուրը այն աստիճան կախված է եղել Մամուրյանի զլխավերեում, որ ի թիվս իր հորինած և օգտագործած տպագրական շուրահատուկ մի շարք «գամամանրի», նա շատ հաճախ — ավելի շատ իր ամբողջ հասարակական գործունեության ընթացքում — դիմել է նաև թարգմանության պրիոմին, ընդ որում թարգմանելով այնպիսի աշխատություններ, որոնք որոշ նկատառումով, նվազ նշանակալից չեն, քան նրա ինքնուրույն աշխատությունները՝ «Սև լեռին մարդը», «Հայկական նամականի»-ն, «Անկլիական նամականի»-ն, «Արևելյան մամուլ»-ում ցրված նրա բազմաթիվ տարեգրություններն ու այլազան հոդվածները: «Մեզի հարմարագույն կթվին այն վիպական պատմություններն, — գրում է նա իր թարգմանություններից մեկին՝ Վալտեր Սկոտի «Բլանոն»-ին կցած իր առաջարկում, — որ հաշակավոր հեղինակներու գործ լինելի գատ՝ մեր վիճակին, մեր կենաց գեթ անուղղակի նկարագիրն ընծայեն և ի լավ անդր դիմելու մեզ գրգիռ և հրապույր տան»<sup>4</sup>:

Ի դեպ այս նկատառումը տարածվում է նաև բազմաթիվ փիլիսոփայական այն հոդվածների վրա, որոնք մի շարք ինքնուրույն հոդվածների ու զրախոսականների կողքին, թարգմանաբար, թե քաղվածաբար հրատարակել է Մամուրյանը իր «Արևելյան մամուլ»-ում:

Հարցի բանասիրական կողմը թողնելով այլ պատեհ առիթի կամ այլ մասնագետների, մեր այս հոդվածի սեղմ շրջանակների ներած չափով փորձում ենք վեր հանել այն էականն ու բնութագրականը, որն հատուկ է Մա-

<sup>3</sup> Ն ու յ ն տ ե գ ու մ, 1866, № 124:

<sup>4</sup> «Արևելյան մամուլ», 1871, էջ 34:

մուրջանի՝ առհասարակ քիչ ուսումնասիրված կուլտուրական ժառանգությունների միջև աչքի առնելիք ավելի անտեսված—և՛ թե ոչ իսպառ մոռացված—կողմին՝ նրա փիլիսոփայական հայացքներին:

\* \* \*

«Հին ու մեծ փիլիսոփայական գրություններն բան մը չեմ սորված, վասն զի սորվելու բան մը չգտա,—գրում է Մամուրջանի «Անկլիական նամականու» հերոսներից մեկը,—ամեն դար նոր բառ մը հնարեր է նույն բնագանցական գաղափարը մեկնելու, նույն առարկություններն ու փաստերը կրկնելու և վեճի տակ եղած խնդիրները լուծելու համար: Մարդիկ լուծվեցան և այդ խնդիրները կիման անլույծ, ուր որ են»<sup>5</sup>:

Ի տարբերություն և ի հակադրություն իր այդ հերոսի այս հայտարարության, Մամուրջանը ոչ միայն մեծ հետաքրքրությամբ է հետևել փիլիսոփայական մտքի ընդհանուր զարգացմանն ու ձևաքրքրել խոշոր էրոզիոնային փիլիսոփայություն պատմության բնագավառում, այլև, ամեն մի ուսմունքից ու հեղինակից սովորած լինելով մի որոշ բան և որդեգրելով չլուրհամարուկ մի էկլեկտիցիզմ, թարգմանական ու ինքնուրույն մի շարք հոգիածաշարքերով ու գրախոսականներով, իր հերթին, փորձել է լուծել ըստ իրեն մինչ այդ «անլույծ» մնացած մի շարք խնդիրներ և «փուլթ» է տարել «պարզ և հասկանալի ոճով հանրացնելու» գրանք:

Մամուրջանը միաժամանակ—և՛ թե ոչ ատաղին հերթին—ներկայացնում է և իրեն, երբ խոսակցել է թ. Ժոզեֆուի մասին, ասում է. «Ե՛ս սկզբանե անտի մարդիկ ծանր և դժվարավ կքալեն գիտությունը շավղին մեջ. ըստ որում պայքարը բռնուն է նյութի և մտքի մեջ. իսկ հաղթանակն ստեպ անորոշ: Սակայն կան նաև այնպիսի հոգիներ, որ այսինչ կամ այնինչ փիլիսոփայական գրություն լիովին չհարկելով՝ միջին ճամփա մը կընտրեն և իրենց հատուկ ըմբռնումով՝ միջինը կամեկնեն կամ կհերքեն, անորոշն որոշելու կճգնին և ինչ որ լուսավոր և մեկին է իմաստասիրական սկզբանց մեջ՝ ընդունելով պարզ և հասկանալի ոճով հանրացնելու փուլթ կտանին»<sup>6</sup>:

Ուղղակի դնելով մատերիալիզմի և իդեալիզմի պայքարի հարցը, Մամուրջանը նկատում է, թե մատերիալիզմի ու իդեալիզմի միջև պայքարը թեև բնթանում է «օրինավոր սահմանի մեջ և հաշտվելու տրամագրությամբ», բայց և այնպես այս պայքարը անընդհատ է և անվախճան, քանի որ «եթե նյութական աշխարհը լայն ասպարեզ մը կբանա մարդկային հետադոտություն, իմացականությունն ալ իր դերն ունի այս իրողությունց մեջ»: «Փիլիսոփայության երկու էական բաժանման,—գրում է Մամուրջանը,—ոգևականության և նյութականության մեջ կոխվը դեռ գաղափարած չէ և միշտ պիտի շարունակվի թեև օրինավոր սահմանի մեջ և հաշտվելու տրամագրությամբ»: Նա համոզված է, թե «միտքն ու ֆիզիկական աշխարհը, հոգվույն և նյութին երևույթները, նախնական ու վախճանական պատճառներու վեճը, ևսն ու ոչ-ևսն անգաղար պիտի դրաղեցնեն մարդիկն ամեն փորձառական և գրական ճգնաց զեմ...: Վասն զի եթե փորձն ու շոշափելի իրողությունը պետք է, որ լինեն ամեն նշմարտության և համոզման հիմն, եթե նյութական աշխարհը

<sup>5</sup> Մ. Մ. մ. ու. ը. յ. ա. ն., Անկլիական նամական, էջ 116:

<sup>6</sup> «Արևելյան մամուլ», 1871, № 8, էջ 359:

լայն ասպարեզ մը կբանա մարդկային հետազոտության, իմացակալությունն ալ իր դերն ունի այս իրողությանց մեջ, և անոր երևույթները, թեև շոշափելի, կան ու պիտի մնան Օ. Գոնտի այլանդակ դանդարանության և Փ. Բերնայի բնախոսության դեմ՝:

Մեր կողմից ընդգծված այս տողերից պարզվում է, որ, ըստ Մամուրյանի, նյութական աշխարհը ոչ միայն ճանաչողության ասպարեզ է բաց անում, այլև իր հերթին ծառայում է որպես հիմք՝ այդ ճանաչողության համար: Այլ կերպ ասած՝ անհնար է պատկերացնել ճանաչողությունն առանց մատերիայի: Սակայն բանն այն է, որ միայն ու միայն մատերիայով էլ անհնար է պատկերացնել ճանաչողությունը: Ըստ Մամուրյանի, եթե նյութականը կազմում է ճանաչողության առավել շոշափելի ու հիմնական կողմը, ապա հոգեկանը կազմում է դրա անհրաժեշտ մեկ մասը, դրա մյուս անհրաժեշտ կողմը, առանց որի ամեն մի ճանաչողություն եթե ոչ բացարձակորեն անհնար, ապա անպայման միակողմանի է լինում: Ակնարկելով անգլիական մատերիալիզմը, նա գրում է. «Նյութական դպրոցը պատռեց մոզական լապտեր մ'որու բոլորտիքը զմայլելով կդառնար մարդկությունը. բայց իր կանգնած նոր փարոսը միայն կասկածներով արևկոծված և մոտեն իրողություններ շոշափելու փափաքող նավարկային կլուսավորե, անհանդարտ. հետաքնին հոգիները կհրավիրե, մինչև և վարն ու հեռուն անդունդները խոր մթության մեջ կձգե: Պետք է նոր հորիզոններ, նոր ափունք փնտրել, պետք է մտքով արևկոծիլ ու նավարկել այդ փարոսին լույսը տեսնելու համար»<sup>7</sup>:

Ինչ խոսք, որ մինչամարքսյան մատերիալիզմը իր ամենաբարձր աստիճանում իսկ չկարողացավ իր պատռած սեռական լապտերով լուսավորել նաև հոգեկան ու հասարակական բարդ երևույթները: Բայց այդ մեղքը ոչ թե ընդհանրապես մատերիալիզմին է պատկանում — ինչպես այդ պնդում էր Մամուրյանը—այլ մինչամարքսյան մատերիալիզմին, որն հոգեկան ու հասարակական երևույթների բացատրության մեջ չկարողացավ ձերբազատվել իդեալիզմի կաշկանդումներից: Իսկ մարքսիզմին նա առհասարակ ծանոթ չէր, ուստի և չունեի անհրաժեշտ պատկերացում գիտելիտիկական մատերիալիզմի մասին: Այդ իսկ պատճառով իրեն ծանոթ մատերիալիզմի անզորությունը վերագրելով առհասարակ մատերիալիզմին, այն համարում է սեփականողմանի և «ծայրահեղ»:

Այդ «սեփականողմանիությունն» ու «ծայրահեղությունը» նա գտնում է նրանում, որ այդ «նյութապաշտությունը» «զերազույն զորություն մը կուրանա». այլ կերպ ասած՝ կուրանա կրոնը, ըստ իրեն՝ բարոյականության աղբյուրը: Մամուրյանը նկատում է, որ 19-րդ դարում գնալով տարածվում ու ամրապնդվում է մատերիալիզմը: «Անկլիական նամականու» նրա հերոսներից մեկը, արձանագրելով այդ փաստը, գրում է, թե մարդիկ շատ ուշ իմացան, — որ սկիզբ. վախճան, գոյություն, ճակատագիր, ժամանակ, հավիտենականություն դատարկ բառեր են և ինչ որ վերն երկինքը կփնտրեին իրենց ավելի խելահաս հաջորդներն երկրի վրա ավելի դյուրավ գտնելու հաջողեցան մեր օրերը»<sup>8</sup>: Բայց նա զանգատվում է, որ գիտությունն ու մատերիալիզմը չեն

<sup>7</sup> Ն ու յ ն տ ե դ ու մ, 1878, էջ 001—002:

<sup>8</sup> «Անկլիական նամականի», էջ 146—147:

<sup>9</sup> Ն ու յ ն տ ե դ ու մ, էջ 146:

մտահոգված մարդկանց հոգեկան պիտույքները գոհացնելով, և ահազանգում է, որ քանի այդպես շարունակվի այնքան ավելի վտանգ կա, որ մարդու «անասնական կողմը» զարգանա ու մեծարվի: «Ճակավին մարդկային ազգը միևնույն մանկության մեջ պիտի հարատևե, — գրում է նա, — ցորչափ չէ թե մարդկային բնության հոգեկան պահանջումները, այլ մարմնական պիտույքը գոհացնելու համար գիտությունը նորանոր գյուտեր կ'նարե և մարդկային էակին անասնական կողմը ավելի հարգ, պատիվ և մեծարանք կգտնե, քան թե բարոյական կողմը»<sup>10</sup> և այլն: Այդ իսկ առումով Մամուրյանը պատկերացնում է մի մատերիալիզմ, որն իր մեջ ընդգրկի և՛ իր ակնարկած «գերագույն գործությունը», և՛ մարդկային բարոյական կողմը: Առ այդ նա հակադրվում է և՛ մատերիալիզմի ծայրահեղությունը, և՛ իդեալիզմի: Մի կողմից՝ հակադրվելով մատերիալիզմի ծայրահեղությունը, նա գրում է. «Ճշմարիտ նյութապաշտն անկաշտն չէ, չէ այն անհավատը, որ պատվո և պարտավորության զգացում չունի և մարդկային գործունեության ու վերջին գրգիռը կնկատե շահն ու հաճույքը»: Մյուս կողմից, հակադրվելով իդեալիզմի ծայրահեղությունը՝ տերտերականությունը, նա գտնում է, որ ճիշտ չեն անում «երկրորդ և ուրիշներ, աստվածաշունչն ու արդի գիտությունը «ճակատնայաք» ցույց տալով և սուրբ գիրքը համարելով «ամեն գիտությանց հիմն ու աղբյուրը» և իր հերթին, բռնելով ավելի «շրջահայաց» ուղղություն, ձգտում է ոչ թե այդ երկուսի մեխանիկական հաշտեցմանը, այլ «չլուրաքանչլուր արժեքը զատ-զատ գնահատելով... անոնց մեջ համաձայնություն մը գոյացնել»<sup>11</sup>:

Բնորոշ է, որ մատերիալի ու հոգու լուրահատուկ այդ համաձայնեցման հիմքում Մամուրյանը դնում է մատերիալի հավերժականության գաղափարը «ոչինչ չսեղծվիր յոչնչե» ամբողջ ստեղծագործությունը ոչ այլ ինչ է, քան եթե հավերժական մատերիալի այլակերպությունը. «Ցորենի շինությունը ոչ նվազ այլակերպություն մ'է, քան լուցկիի տուփերու շինությունը», և այլ նման բազմաթիվ մատերիալիստական դրույթների հաճախենք հանդիպում Մամուրյանի մոտ: Նա նույնիսկ պնդում է, որ «նյութը չի կրնար կորչի», «բնալուծական օրենքը ներգործեց ամեն ֆիզիկական, գերբնական և աստվածաբանական գաղափարներու վրա: Ամեն իմացություն կամ եզրակացություն, որ համաձայն չէ այդ օրինաց հետ, իբրև անհիմն մերժված է»<sup>12</sup>:

Ավելին՝ Մամուրյանը պնդում է, որ շարժումը նյութի մշտական հատկանիշն է: Ի հակադրություն բոլոր նրանց, ովքեր «ամեն բան միասնաբանայն և միապաղաղ, հավիտենից անսասան կհոչակեն»<sup>13</sup>, Մամուրյանը պնդում է, որ բնության մեջ ամենուրեք գործում է այլաշրջության՝ էվոլյուցիայի օրենքը: «Այլաշրջության օրինոք բնության մեջ ինչ որ պարզ է՝ բարդ, ինչ որ մեղմավոր է՝ ընկերային, ինչ որ համասեռ է՝ այլասեռ դառնալու կձգտի»<sup>14</sup> և այլն:

<sup>10</sup> Ն ու յ ն տ ե դ ու մ, էջ 146:

<sup>11</sup> «Իրենցյան մամուլ», 1892, էջ 39:

<sup>12</sup> Ն ու յ ն տ ե դ ու մ, 1891, էջ 471:

<sup>13</sup> Ն ու յ ն տ ե դ ու մ, 1898, էջ 3:

<sup>14</sup> Ն ու յ ն տ ե դ ու մ, էջ 39:

Մամուրյանը զարմանում է, թե եինչպես երբեմն ամեն երևույթ՝ բարոյական և ֆիզիկական, բնկերական և քաղաքական, տնտեսական և տնական, միակ պատճառի մը՝ նախաինամության կվերադարձվեր...»<sup>15</sup>: Նա գտնում է, որ ինչպես անօրգանական, այնպես էլ օրգանական աշխարհում, բոլոր երևույթները ենթարկվում են այլաշրջության համատարած օրենքին. «Երբ Պահվելը գտավ լուրեսի (քիմիական մի տարր),— գրում է նա,— գործարանավոր և անգործարանավոր մարմիններու մեջ եղած զիծր վերադարձ»<sup>16</sup>: Մարդը նույնպես հանդիսանում է գործարանավոր մարմինների մեկ օղակը, թեև բարձրագույն օղակը: Մամուրյանը չի հավատում մարդու ծննդյան և զարգացման մասին աստվածաշնչային առասպելին: Ինչպես նրա ֆիզիկական, այնպես էլ հոգեկան և իմացական կարողությունները հետևանք են այլաշրջության բնական օրինաչափության: «Մարդս՝ բնության լերկ ու մերկ ծնունդ,— գրում է նա,— տակավ մարմին. միտք կրնդունի, զանազան ֆիզիկական տարրերու դեմ շփվելով՝ կարև իր բանականությունն, անհուն, անհակելի երկնային մարմիններու և մետեորական շարժումներու առջև սլաց կտա իր երևակայության, որ վերանալով դեպի գերբնային իրերու սահմաններն, Արարիչ մը կփնտրե, սարսափահար կաղոթե, կրոնական զգացման նշույլն իր սրտին մեջ կծագի, և երբ հաստատ բնականության, բնտանեկան կազմակերպության, բնկերային հարարերությանց պետքը կզգա, կզգա նաև տաճարներ, ատուղաններ կանդնելու, Անծանոթին զոհեր մատուցանելու և հոգվույն անձուկներուն զոհացում տալու հարկը»<sup>17</sup>:

Ինչպես պարզվում է մեր կողմից բնագծված այս տողերից, հակվելով դժպի մատերիալիզմը, Մամուրյանը գտնում է, որ ոչ թե մարդն է ծնվել աստծուց, այլ բնիկանակալու Այսպես նաև բարոյականության մասին: Մարդու բարոյական աշխարհը նույնպես հետևանք է նրա հասարակական կյանքի էվոլյուցիոն զարգացմանը: «Եվ իրոք,— գրում է նա,— մարդ՝ նախնական վայրենի վիճակի մեջ՝ բարվույն և ճշմարտին զգացումեն լիովին զուրկ՝ անասնական բնազդներու և արյունարբու հոծարությանց դերի, ի սչ բարոյական կրնար ունենալ, և թե ոչ կրից հազուրդ տալու, իր որսն ուր որ գտներ պատասխելու և լափելու բարոյականն: Այն ինչ բնկերական վիճակի մեջ կմտնե և ահա մարդ՝ նոր պիտոլից և հարարերությանց բերմամբ՝ կրից չափ կդնե, փոխադարձության պետքը կզգա, երբ մանավանդ բնտանեկան կապեր կկազմեն և իր օգուտը կտեսնե փոխադարձ պարտուց և իրավանց կատարման մեջ, իհարկե սահմանափակ շրջանի մեջ»<sup>18</sup> և այլն:

Բանականությունը, որն իր հերթին «մարդը կապիկներն զանազանող յատկությանց մեկն է»<sup>19</sup>, ոչ այլ ինչ է, և թե ոչ մարդկային էվոլյուցիոն զարգացման արդյունք. որն ունի երկրային ծագում և գործում ու պարզանում է արտաքին աշխարհի ներգործության տակ: Տալով բանականության ծագման ու գործունեության բացատրությունը, «մարմինը ներքուստ շարունակ կդործե,— գրում է Մամուրյանը,— այս անդուլ շարժման մեջ՝ ջղային դրությունն, որուն զա՛ն է ուղեղը, արտաքին տպավորություններ կընդունի,

<sup>15</sup> Ն ու յ ն ա ե գ ու ժ, 1890, էջ 404:

<sup>16</sup> Ն ու յ ն ա ե գ ու ժ, 1891, էջ 41:

<sup>17</sup> Ն ու յ ն ա ե գ ու ժ, 1893:

<sup>18</sup> Ն ու յ ն ա ե գ ու ժ, էջ 26:

<sup>19</sup> Ն ու յ ն ա ե գ ու ժ, 1893, էջ 140:

զյացությունը կըրգոն, զաղափարներ կհորինեն, խորհուրդներ կրաղաղեն, որ իրեն հաճելի երևցած կերպով ի գործ դնեն: Կործողության միջոցին անտարրերը չէ ուղեղը, որուն զանազան ձյատու մներն այս կամ այն ուղղությունն կառնուն արատքին պարագայից ազդեցությունը»<sup>20</sup> և այլն:

Մամուրյանը խուսափում է որևէ բացատրություն տալուց հոգու էություն մասին, նա պարզապես հաստատում է նրա ապրիորի գոյությունը. բայց և նկարագրում ու ընդգծում է այն հատկությունները, որոնք ճանաչելի են դարձնում այն և զատորոշում՝ մատերիալից, իրերից: Ելնչպես որ իրերն իրենց հատկության միջոցով կճանաչվին. նույնպես կճանաչվի հոգին կարողությանց միջոցով: Հոգին կզգա, կխորհի, կհիշեն»<sup>21</sup>:

Մարդկային հոգու բոլոր կարողությունների վերևում, որպես ղեկավար, նա պատկերացնում է մի Եանձնական գորություն: «Մարդկային հոգվո մեջ, — գրում է նա, — բնական ընդունակություններ կան և անոնցմե վեր անձնական գորություն մը, որ զանոնք կվարեն»: Մամուրյանն այդ Եանձնական գորությունը համարում է տարրերիչ ուժ մարդու և անասունների միջև: Առանց դրա առկայության մարդը իր է, զերի ճակատագրի ձևը: Իսկ երբ նա ներգործի՝ մարդս կարող է վերածնվել և թիրե վեհապետ մտնել այն լքյալ կարողությունց մեջ և զանոնք ճակատագրի ձևերն իսկ... Մարդս լիովին այն իշխանության մեջն է, որով ինքն իրեն կտիրանա. այս իշխանության գործողությունն է, որ զինքը կսանդծն, կկազմեն»<sup>22</sup>: Ինչպես անօրգանական, այնպես էլ օրգանական աշխարհի մյուս բոլոր երևույթներից մարդը, ըստ Մամուրյանի, տարրերվում է նրանով, որ նա օժտված է Եանձնական գորությամբ, այլ կերպ ասած՝ իր Երնական գորությունները ճանաչելու և իր կամքի ուժով դրանք ի գործ դնելու, ղեկավարելու կարողությունը: Մամուրյանի մոտ Եակտիվ կամքը ինքնին ոչ այլ ինչ է, եթե ոչ տարրեր մեկ ձևակերպումը նրա լմբոնած Եանձնական գորությունը: Ըստ Մամուրյանի և՛ հոգու աշխարհը, և՛ մարմնի աշխարհը եմթակա են մի ընդհանուր օրենքի, սակայն հոգու աշխարհը ճանաչելիության տեսակետից ունի իր օրենքները, իսկ մարմինը՝ իրենները: Որոշ սահմանների մեջ մնալով հանդերձ, մարդիկ կարող են ճանաչել բնության օրենքները և ղեկավարել դրանք. «Առատուվանելով հանդերձ, որ մարդկային կենաց ամեն գործողությանց նկատմամբ չկա այն բացարձակ կամ տեսական ճշմարտությունը, որու կձգտին անդուլ մարդկային հոգին ու իմացականությունը, ոակայն պետք չէ նաև ուրանալ, թե կարգ մը բնական երևույթներ, որոց օրենքը, գիտությունը փորձով զծած ու գտած է, մարդկորեն ճշմարտությանը գրոշմը կիրեն (բնդգծումն իմն է—Գ. Գ.) և գիտական հավատալյաց կարգն անցած են ամենուրեք»:

Սակայն, չնայած բարոյական նորմաների վերաբերյալ Մամուրյանի վերոհիշյալ մատերիալիստական գրություններին, նրա մատերիալիզմի անհետևողականությունը՝ իզեալիզմն ու մետաֆիզիկական նրա աշխարհայացքում իրենց զգացնել են տալիս նեց որ ըստ էության ենք մոտենում նրա նույն այդ

<sup>20</sup> Ն ու յ ն տ ե գ ու մ, 1881, էջ 380:

<sup>21</sup> Ն ու յ ն տ ե գ ու մ, 1872, էջ 203:

<sup>22</sup> Ն ու յ ն տ ե գ ու մ, 1872, էջ 205:

<sup>23</sup> Ն ու յ ն տ ե գ ու մ, էջ 242:

<sup>24</sup> Ն ու յ ն տ ե գ ու մ, 1893, էջ 104:

բարոյագիտական հայացքներին, նրա կրոնական հայացքներին: Բարոյականության մեջ, ըստ Մամուրյանի, զուգահեռաբար և միաժամանակ առկա են փոփոխական ձևն ու հավերժական կատեգորիկ կանոնները: Նա պնդում է, որ կան բարոյական սկարզ մը կանոններ ու հրահանգներ իբրև տիեզերական ճշմարտության հայտարար կտակներ: Այս կտակներու ոճն ու ձևը կփոխվին, իրավ, սակայն ներքին ոգին ու ուղղությունը նույնն են<sup>25</sup>: Աթեիստների չիճական սխալը նա համարում է այն, որ նրանք անտեսում են կրոնը, որպես բարոյականության աղբյուրը, այդ երկակի բնույթը, և նրա փոփոխական ձևը իբր շփոթելով նրա հավերժական բովանդակության հետ՝ բացասում են վերջինը, փոխանակ քննադատելու սոսկ առօրինը: Այդ տեսակետից միանգամայն բնորոշ է այն դիրքորոշումը, որ Մամուրյանը ցուցաբերել է մինչմարքսյան հայ փիլիսոփայական մտքի աթեիստական-մատերիալիստական կոթողը հանդիսացող «Մեթոդի» նկատմամբ: Նա ամենից առաջ վրդովմունք է ցուցաբերում այն բանի համար, որ «Մեթոդ»-ում իր «մտերիմ բարեկամը» Դ. Կոստանյանը, «կարծես թե կրքոտ և քինայնդիր մարդու մը դեմքով կներկայի, որ ձեռքը տապար մը առած աջ ու ձախ կզարնե, կկոտրե, կվիրավորե, կսպանե՝ և երբեմն հաղթանակ տարածի պես՝ կծիծաղի, կհեղհեղեղ և ծանր ու խոշոր բռուկ կզործածե կրոնական համոզումներու պես և մանավանդ քրիստոնեության դեմ, ընթացք մը որ ընավ թուլասու գիտունի մը շվայլեր»<sup>26</sup> և այլն: Մամուրյանը դուրս բանում է, որ «հավատը տղայական, անհեթեթ, ծիծաղելի սկզբունք է անվանում. «Մինչդեռ, — գրում է նա, — իր փաստաբերության հակառակ հավատք ու կրոն կտիրապետեն մարդկության սրտին ու մտքին մեջ»<sup>27</sup> և այլն: Մամուրյանը ի վերջո մեղադրում է «Մեթոդի» հեղինակին նրա համար, որ նա չի տարբերում քրիստոնեության ձևը, որն անշուշտ դարերի ընթացքում, «պաշտոններից տղիտության, մոլեռանդության ու մարդկային կրից» հետևանքով փոփոխական ու թյուր մեկնությանը ենթարկվել է — գուտ սկզբունքներից, որոնք իբր ոչ մի կապ չունեն քրիստոնեության «պատմական տխուր և արյունալի երևույթների» հետ: «Իհարկե քրիստոնեությունն պատմական տխուր և արյունալի երևույթներ ունի, — գրում է Մամուրյանը, — սակայն մոթ դարերու արարքն ոչ այնքան քրիստոնեական գուտ սկզբանց հետևություններ են, որքան անոնց արված թյուր մեկնությունց, պաշտոններից տղիտության, մոլեռանդության ու մարդկային կրից արդյունքն են»<sup>28</sup>:

Մամուրյանը պնդում է, որ կրոնը դարերի ընթացքում ենթարկվում է փոփոխությունների և գնալով կատարելագործվում է, սակայն այդ վերաբերում է կրոնի սոսկ արտաքին կառուցվածքին, ինչ վերաբերում է նրա ներքին բովանդակությանը՝ դա խղճի ազատությունն է, և դա կապված է մարդկային սրտի հետ, և որպես անջնջելի մի զգացմունք հարատևելու է հակառակ իբր թյուրիմացաբար գործ ածված գրչի ու սրի հալածանքներին: «Ձեռք ուրանար, — գրում է նա, — որ, ինչպես ամեն բան, կրոնն ալ կատարելագործության ենթակա է, քանի որ մարդկությունը մնացական չէ. սակայն չենք ընդունիր՝ Մեթոդի հեղինակին պես՝ որ պետք է և կարելի է դայն գրչի ծայ-

<sup>25</sup> Ն ու յ ն տ ե գ ու մ, 1697, էջ 441-442:

<sup>26</sup> Ն ու յ ն տ ե ո ո մ, 1898, էջ 132:

<sup>27</sup> Ն ու յ ն տ ե գ ու մ, էջ 132:

<sup>28</sup> Ն ու յ ն տ ե ո ո մ, էջ 132:



րով սրբել մարդկային սրտեն ու հիմնարկություններն. վասն զի կարելի չէ ջնջել մարդկային սիրտը, և ինչպես որ էդ. Հարաման կրսե, ամեն մարդ կրոնական տրամադրության մը սերմն տնի, չենք ընդունիր այն թուլություն (intolérance) և ասոր հետևանք եզոդ հալածանքը թե՛ գրչով լինի, թե՛ սրով, վասն զի կրոնական կատարելության, լուսավորության և համազգային սիրո էական մեկ պայմանն ալ խղճի ազատությունն է՝<sup>29</sup>,

Այլ կերպ ասած՝ Մամուրջանը ո՛չ թե դեմ է կրոնի, այլ սոսկ կրոնական խտրությունների, որոնք նա համարում է պարզապես տգիտության ու շահամոլության արդյունք, և հավատում է, որ բոնի կերպով կրոնի բուրբ արտահայտությունները, ռեալության վերածելու՝ բոլոր փորձերը պարզապես ստրկության շղթաներն են ամրապնդում, այլ, ընդհակառակը, կրոնական անսահման ազատությունը՝ հարակցելով նրա երևակայած ճշմարիտ լուսավորության հետ, պիտի կարողանա ի վերջո զանազանել կրոնի արտաքին ձևապաշտական կողմը, և գտնելով բուն էությունը, պիտի առաջնորդի ազգային ազատ եկեղեցիների կազմավորմանը, եկեղեցիներ, որոնք բուրբն էլ հիմնված լինելով միևնույն սրտի ու նրա կրոնական զգացմունքների վրա՝ վերջ պիտի տան թե՛ եկեղեցական և թե՛ աշխարհական բուռն իշխանության, պաշտոնական կրոնից և արքունի երկնային իրավանց օրը պիտի անցնի՝ և ռեզգային անկախ եկեղեցիներու դարը պիտի հաջորդե և մարդկային ազգը բարոյական միության տարերքը պիտի գտնե: Բայց այս հեղափոխությունը մեթոդներով չի կատարվիր, հրով և սրով չիրանար, այլ գիտությամբ, այլ ազգերու ճանաչողական բարեշրջումի օրինոք (ընդգծումն իմն է՝ Գ. Գ.), որու կարևորությունը կհոչակե, սակայն Մեթոդի հեղինակն և միայն ժամանակներն ու միջավայրերն իրարու հետ կշիթթեն: Այլ կերպ ասած Մամուրջանը հավատացած է, որ ամեն մի բոնի միջոցառում կրոնի դեմ հարվածում է ուղղակի մարդկային սիրտը, նրա բնությանը հատուկ զորությունը, և որ բարեշրջության՝ էվոլյուցիայի օրենքը այստեղ խաղալու է իր փրկարար դերը՝ գարերի բարդած մանվածապատ ձևերից՝ մարդկային ժամանակավոր անանցանելի ընդերքից դուրս բերելով կրոնի բուն էությունը, նրա գերբնական անանցանելի կողմը: ԵՇոպենհայտեր սքանչելի կերպով ցուց, — գրում է Մամուրջանը, — թե ամեն մարդ գերբնականություն մ ունի, ամեն մարդ գերբնային հղացումներու պետք ունի իր կրոնական պիտույքը գոհ ընելու համար: Այս գերբնականությունը, զոր կարելի է անվանել ժողովրդային գերբնականություն, կրոնն է: Արդ՝ կրոնը ժողովրդյան բոլոր փիլիսոփայությունը կպարունակե. այն կազգաբարե շարունակ անոր, որ ուտելե, խմելե և քնանալե ավելի (իմա՝ մարդու կառուցվածքի նյութական, մարմնական կողմի պահանջներից ավելի — Գ. Գ.) բարձր բան մը կա, թե այս զգալի անցավոր աշխարհն առանց նպատակի չէ, այլ հավիտենական սկզբի մ՝ արտահայտությունն է, որու միայն շիթթ ստվերը կտեսնենք այստեղ: Բոլոր կրոնից պաշտոնն է այս զգացումը հողվո մեջ արթուն պահել...»: Հայանի է, թե աշխարհի գրեթե բոլոր կրոններն այս իդեականն՝ բանականության անիմանալի խորհուրդներով լոկ արտաքին ցույցեր և պաշտաման այլևայլ հանդիսավոր արարողություններ զարձած են: Աստվածարաններն են, որ կրոնից

<sup>29</sup> Ն ու յ ն տ ե գ ու մ, էջ 327:

<sup>30</sup> Ն ու յ ն տ ե գ ու մ, էջ 343:

այս չոր ու ցամաք ուղղությունը տվին, այնպես որ բարոյապես չի ներգործեր շատ տեղ մարդկային կենաց վրա»<sup>31</sup>:

Բանն այն է, որ փոխանակ իր վերևի գրույթներից համապատասխան եզրակացություն հանելով ասելու, որ գերբնականը վեր է մարդկային հասողություն սահմաններից և բմբռնելի է միայն հավատքի հիման վրա, նա, շարժմանին ձայնակցելով պնդում է, թե «գերբնականությունը գիտության կվերսրերի, թեև ամեն մարդու տրված չէ դիտության հասնիլ, նամանավանդ գերբնականության գիտական ուսման»<sup>32</sup>: Այլ կերպ ասած՝ մի կողմից թեև նա պահանջում է գերբնականը ենթարկել գիտական ուսման, բայց մյուս կողմից՝ դրա տակ հասկանում է ոչ թե գերբնականի շրջանակների նվաճումը գիտության, մատերիալիզմի կողմից, այլ ընդհակառակը՝ «գիտություն» հասկացության կամայական տարտամացումն ու ընդլայնումը՝ ինդյալիստումը:

Մամուրյանը «կուլը հոգեպաշտ» չէ, քանի որ, ինչպես տեսանք, կանգնած լինելով իր ժամանակի բնագիտության որոշ նվաճումների քարձրության վրա, նա, թեև ոչ հետևողական մատերիալիստական դիրքերից, պայքար է ծավալում միջնադարյան իսլամիստության, գերբնական ուժերի և բնական հոգեկան ու հասարակական բազմաթիվ երևույթների բիրտիական բացատրությունների դեմ: Մյուս կողմից՝ Մամուրյանը «ծայրահեռ սկեպտիկ» էլ չէ, քանի որ ինչպես տեսանք, կանգնած լինելով կրոնի սկզբունքային պաշտպանության դիրքերում, հատկապես բարոյագիտական իր հայացքներում հանդես է գալիս որպես «խղճատանքի» խնկարիու և սպասարիու՝ մարդկային սրտի գերմարդկային ձգտումների: Սուրյեկտիվորեն հեռու փախչելով և՛ «ծայրահեղ սպեկտիկությունից» և՛ «կուլը հոգեպաշտությունից», Մամուրյանը օբյեկտիվորեն տատանվում է «գաղափարականություն»՝ իդեալիզմի և «նյութապաշտություն»՝ մատերիալիզմի ալլեալ ճյուղերի միջև, դրանով իսկ արտահայտելով հակասական իր աշխարհայացքի սերտ առնչությունը այն ժամանակաշրջանի ու միջավայրի հետ, որոնց մեջ ապրել ու գործել է նա: Մամուրյանի աշխարհայացքի այդ հակասականությունն ու նրա մատերիալիստական ձգտումների տնավարտությունը հետևանք են ուղղափոխողական թուրքլայի հետամնաց ու հակասական սոցիալ-քաղաքական պայմանների: Նկարագրելով այդ միջավայրն ու պայմանները, նա գրում է. «Երբայ է, որ այստեղ ամեն բանն ազնի ու զրավող խնդիրը կրոնն է: Միջին դարու մեջ ենք: ...Ինքրնի ու նյութերնի անունն իսկ անժանոթ է այն աշխարհին: ...Ամեն բան կրոնին չափովը կչափեն, երկինքն երկրի փորձաքարը կընեն»<sup>33</sup> և այլն:

Նկարագրված այդ միջավայրում ու պայմաններում Մամուրյանի փիլիսոփայությունը այն առումով և այն չափով է առաջավոր, ինչ առումով և ինչ չափով, որ նա շեղվում էր կրոնից դեպի գիտությունը և հակադրվում եկեղեցուն՝ միջին դարու գաղափարական այդ միջնարկերին:

<sup>31</sup> Ն ու յ ն ա ե դ ու մ, էջ 344:

<sup>32</sup> Ն ու յ ն տ ե դ ու մ:

<sup>33</sup> Մ. Մ ա մ ու ը յ ա ն, Անկլիական նամականի, էջ 164: